

i INUIT ATAQATIGIIT Inatsisartuni



29. august 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Naalakkersuisut uppersarsinnaanerpaat takornarianik angallassisartut nunatta avataaneersut nunatsinni takornariartitsinermik ingerlatallit timmisartuni issiavissanik iniminniivallaartarnerat pissutigalugu innuttaasut nunatsinneersut Ittoqqortoormiit tassangaaniillu angalaniarnerisa ajornarsinerunera?**
 - a. Aappiuppat: Naalakkersuisut pissutsit taammaaneritut qanormita isumaqarpat?**
- 2. Naalakkersuisut ilisimatitsissutigisinnaanerpaat ilaasunik timmisartukkut Tunumi angallassisarnissamut kiffartuussinissamik isumaqatigiissuteqarfigineqarnermi nunatsinni najugaqartut taavani taavungalu angalanissaminnut pisariaqartitsisarnerat immikkut isiginiarneqartarnersoq?**
 - a. Naagaappat: Ilaasunik timmisartukkut Tunumi angallassisarnissamut kiffartuussinissamik isumaqatigiissuteqarfigineqartut kiffaanngissuseqartitaappat issiaviit qanoq agguataarnissaannut?**
- 3. Naalakkersuisut ilisimatitsissutigisinnaanerpaat Ittoqqortoormiit Nerlerillu Inaani takornariaqartitsiviit nunatta avataaneersut qassiunersut?**
- 4. Naalakkersuisut ilisimatitsissutigisinnaanerpaat takornariaqartitsiviit nunatta avataaneersut, makkunuunatigut ingerlatsinissaminnut akuersissutinik qinnuteqaateqartariaqarnerisut:**
 - a. Ittoqqortoormiit illoqarfiata, Nerlerit Inaata tamakkulu eqqaanni takornariaqarnerisut aqqissuussisarnissaminnut?**
 - b. Snescooterit angisuut tikisillugit Nerlerit Inaanni eqqaannilu pinngortitami angallatigalugit atornissaannut?**
- 5. Naalakkersuisut ilisimatitsissutigisinnaanerpaat pisortat oqartussaaffiisa nakkutigisarneraat, takornariaqartitsiviit nunatta avataaneersut Ittoqqortoormiit eqqaani sumerpiaq angallassisarnerisut?**
- 6. Naalakkersuisut ilisimatitsissutigisinnaanerpaat takornariaqartitsiviit nunatta avataaneersut nunatta pisuussutaanik nalituunik nunatta avataanut unioqutitsillutik annissueqataasarsimanersut?**

7. Naalackersuisut ilisimatitsissutigisinnaanerpaa takornariartitsiviit nunatta avataaneersut ingerlataasa nunaqavissut takornariartitsiviinut Ittoqqortoormiiniittunut qanorpiaq sunniuteqartarnersut?

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Paasisaqarfiginerorusuppara nunatsinni innuttaasut Ittoqqortoormiiniit tassungalu angalanissaminnut qanoq periarfissaqartigisarnersut. Takornariaqartitsiviit nunatta avataaneersut nunatsinni takornariartitsinermik ingerlatsisut timmisartuni inissanik amerlasuunik inniminneereertarnermikkut nunatsinneersut angalanissaminnut periarfissaannik killilersueqataasarnersut paaserusuppara.

Pingaaruteqarportaaq ilisimasimasaqarfigissallugu ilumut takornariaqartitsiviit nunatta avataaneersut takonarissanut qanorpiaq neqerooruteqartarnersut, tamakkulu pisortanit nakkutigineqartarnersut. Pissutsit paasisaqarfiginerorusullugit taamatut Naalackersuisunut apeqquteqaateqarpunga.

Kissaatigara apeqquteqaatigisakka ullut suliffiusut 10-t iluanni akissuteqarfigineqarumaartut.